

Resolución do 2 de marzo de 2005 pola que se convoca un curso sobre estratexias de mitigación do risco de inundacións en Galicia.

Dentro do programa de actividades que o Centro de Estudos Xudiciais e Seguridade Pública de Galicia ten previsto realizar no ano 2005, e conforme as funcións atribuídas pola Lei 1/2005, do 4 de xaneiro, do Centro de Estudos Xudiciais e Seguridade Pública de Galicia, anúnciase a celebración dun curso sobre estratexias de mitigación do risco de inundacións en Galicia, que deberá desenvolverse conforme as seguintes bases:

Primeira.-Obxectivos.

Dar a coñecer as medidas e estratexias posibles para facerlles fronte e previr os danos causados polas inundacións en Galicia e adquirir os coñecementos básicos para poder dar respostas locais ante o risco de inundacións, a través das novas ferramentas de xestión e planificación.

Segunda.-Destinatarios.

-Técnicos da subdirección e dos servizos provinciais de Protección Civil da Xunta de Galicia.

-Técnicos en materia de protección civil, tendo prioridade aqueles que están en concellos afectados por este risco.

-Responsables de AVPC, tendo prioridade aqueles que están en concellos afectados por este risco.

Terceira.-Desenvolvemento.

1. Prazas: o número de prazas ofertadas é de 27.

2. Duración e datas: o curso desenvolverase os días 3, 4, 10 e 11 de maio de 2005, cunha duración de 32 horas lectivas.

O horario será o seguinte:

-Das 9.30 ás 14.00 horas e das 16.00 ás 20.00 horas.

3. Lugar: o curso realizarase na sede do Centro de Estudos Xudiciais e Seguridade Pública de Galicia no concello da Estrada, con visitas a distintos encoros da comunidade.

Cuarta.-Solicitudes e prazo de inscrición.

1. A inscrición dos participantes é totalmente grauíta.

2. O persoal que desexe participar nestes cursos deberá presentar, cuberta á máquina ou con letra moi clara, a instancia que figura no anexo.

3. O prazo para a presentación de instancias rematará o día 22 de abril de 2005.

4. As instancias deberán vir asinadas polo xefe do organismo ao que estea adscrito e seladas, e no caso de haber máis dunha solicitude da mesma entidade, relacionalas en orde prioritaria. Este será requisito indispensable para ser admitido no curso.

5. As instancias deberán enviarse por correo á sede do Centro de Estudos Xudiciais e Seguridade Pública de Galicia avenida da Cultura, s/n, 36680 A Estrada ou ao fax 986 59 09 88, ou ben poden entregarse en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Quinta.-Contido.

-Hidroloxía e climatoloxía de Galicia, tipo de inundacións en Galicia.

-Xestión de zonas inundables.

-Estratexias e medidas de mitigación do risco de inundacións.

-Xestión de emerxencias hidráulicas.

-Lexislación e planificación.

-Encoros, presas e centrais hidráulicas.

-Visitas a lugares de interese.

Sexta.-Relación de admitidos.

A relación de participantes admitidos para a realización do curso esporase no taboleiro de anuncios do Centro de Estudos Xudiciais e Seguridade Pública de Galicia, sen prexuízo da oportuna notificación aos seleccionados con antelación á celebración do curso. Tamén poden confirmar a súa admisión chamando ao teléfono 986 59 00 21.

Sétima.-Asistencia.

É obrigatoria a asistencia e puntualidade en todas as actividades do curso. A falta de asistencia, mesmo cando sexa xustificada, a máis dun 10% das horas lectivas programadas determinará a cualificación de non apto no curso.

Oitava.-Certificado de aproveitamento.

Ao remate do curso entregaráselles un certificado de asistencia e aproveitamento a aquelas persoas que acrediten a súa asistencia continuada e superen as correspondentes probas de coñecementos.

Novena.-Modificacións.

O Centro de Estudos Xudiciais e Seguridade Pública de Galicia poderá modificar o desenvolvemento dos cursos para adaptalos ás necesidades da Administración e ás continxencias que poidan xurdir.

A Estrada, 2 de marzo de 2005.

José Antonio Vázquez Taín
Director do Centro de Estudos Xudiciais
e Seguridade Pública de Galicia

ANEXO

CURSO: ESTRATEXIA DE MITIGACIÓN DO RISCO DE INUNDACIÓNS EN GALICIA	
1. SOLICITANTE	
Apelidos:	Nome: DNI:
Data de nacemento:	Fax: Teléfono de contacto:
Enderezo particular:	
Rúa:	Concello: Provincia:
2. DATOS PROFESIONAIS	
Organismo:	
Categoría ou posto desempeñado:	
Ano de entrada no organismo:	
Titulación académica:	
3. CERTIFICADO DO XEFE DO ORGANISMO:	
Certifico que as persoas que se relacionan pertencen á agrupación ou organismo citada anteriormente neste anexo:	
Lugar e data	Sinatura do xefe e selo do organismo,
	Asdo:
4. DECLARACIÓN	
Declaro, pola miña honra:	
Que son certos todos os datos que figuran nesta solicitude e que cumpro cos requisitos exixidos na convocatoria, dos cales xunto fotocopias.	
Sinatura do/da solicitante: de de 200.....	
5. SELECCIÓN	
Vista a solicitude presentada polo/la interesado/a, o Centro de Estudos Xudiciais e Seguridade Pública de Galicia,	
resolveu	☐ seleccionar o/a interesado/a.
	☐ non seleccionar o/a
Lugar e data:	Sinatura e selo do órgano seleccionador:
Asdo:	

Director xeral do Centro de Estudos Xudiciais e Seguridade Pública de Galicia

ESCOLA GALEGA DE ADMINISTRACIÓN PÚBLICA

Resolución do 9 de marzo de 2005 pola que se convocan unhas xornadas sobre protocolo e comunicación pública na Administración.

Dentro do plan de actividades da Escola Galega de Administración Pública para o 2005 e de acordo coas funcións atribuídas pola Lei 4/1987, do 27 de maio, de creación da escola, e pola Lei 10/1989, do 10 de xullo, de modificación da anterior, convócanse unhas xornadas sobre protocolo e comunicación pública na Administración, conforme as seguintes bases:

1. Obxectivos.

Procurar un achegamento global ao fenómeno do protocolo como ferramenta de expresión do poder diante dos cidadáns, na súa fasquía simbólica e representativa, que exige manter orde rigorosa e coitado cando as institucións se comunican publicamente, ou entre estas. Estas xornadas, de mans de notables expertos, afondarán progresivamente en todos os niveis do coñecemento desta especialidade, desde o espazo máis achegado aos cidadáns, o municipal, ao propio protocolo do Estado.

2. Contido.

Trataranse estes temas:

-Apuntamentos históricos do protocolo: desde a Roma Imperial aos nosos días. Unha referencia a Galicia.

-O protocolo no espazo local. A nova situación creada pola Lei 57/2003, do 16 de decembro, de medidas para a modernización do goberno local. Réxime específico dos municipios de gran poboación.

-O protocolo como ferramenta de xestión no ámbito institucional. Casos prácticos.

-Conflitos de protocolo entre o Estado e as comunidades autónomas.

-O protocolo especializado: protocolo universitario, empresarial, social, militar e honores de orde nanza.

-Premios, honores e distincións do Reino de España.

-O protocolo do Estado e da Casa Real.

3. Destinatarios.

Persoal ao servizo da Xunta de Galicia e da Administración local galega e interesados en xeral.